



## Universitätsbibliothek Paderborn

**Vademecum Sive Praxis Opera Quotidiana Aliaque ritè  
peragendi, & per ea salutem& perfectionem propriam, ac  
proximi, instituto Societatis Jesu conformem assequendi**

**Limpens, Ferdinand**

**Coloniæ Agrippinæ, 1744**

Reflexio de Melancholicis.

[urn:nbn:de:hbz:466:1-54750](#)

Atque hæc unà cum præcedentibus animadversionibus sunt, quæ à juventute imprimi nostris desidero, & cum primis in tertiae probationis anno unà cum illis, de quibus in animadversione sexta de conversatione tanquam ministerio Societatis differui, bene digeri. Qui enim tertiae probationis anno consummato solidis non obfirmavit animum principiis, vite que Apostolicæ fundamentum posuit, suū Dominus, raro expostus Apostolus fiet, sive Religiosus talis, quamē Instituti nostri ratio exponcit.

*Reflexio de Melancholicis.*

Dum per opportunā occasione datā animadversiones has meas, & præprimis sextam & septimam Viro cuidam prudenti ac religioso sed à natura melancolico, prælegerem, & ulterius ruminandas offerrem, reposuit is mī post tempus aliquod, morem his geri posse benenatis, & felicem sortitam animam, sed nob̄ ab iis, qui atrā abundant bile, nec de his me posse quidquam statuere: cùm moralis istius morbi experientiam non habeam. Contentum disputationis nostræ amicæ, ipsius & mea postulata, & quomodo utrumque in hoc vel illuc condescendendo, tandem in sistema aliquod statuendum convenerimus, hic subnecto, postulata ipsius generatim hæc erant: *1mo* jux illud Script. *Ipse fecit nos, Et non ipsi nos: ne* naturam, nec ejus naturale temperamentum homi

homo sibi ipsi dare potest, nec à DEO acceptum in aliud transmutare. *2dō*, fatebatur per media spiritualia à S. P. N. suppedirata passiones iræ, impatientiæ, superbiæ, &c. posse domari, habitus vitiosos, inclinationes naturæ ad furtæ, obsecræna, &c. per eadem pariter posse coerceri, eo ipso enim, quod ad peccata impellant, hominem DEUM timentem, & æternis veritatibus illuminatum statim excitati ad resistendum. Aliter autem se res habet (sic instruebat me idem) cum homine, qui melancholicis derepentè obruitur humoribus, & ob crassiorem sanguinem, defectum necessariæ ejusdem circulationis, constipationes, aliisque corporis infirmitates, innatam præterea pusillanimitatem, & vivaces rerum tetricarum phantasias, quas abigere à se non potest, tam atrâ involvitur nube, ut, quidquid videt ex rebus & personis alias sibi gratis, tedium ei, & aversionem creet. Hic in talibus circumstantiis solvitur in lachrymas, sentit tremorem in membris, angustias in corde, &, quidcunque ei proponas, juvare se non potest per examen particulare, aliisque media: sed exspectare debet non secùs ac in febribus, donec paroxismo isto abscedente menti tranquillitas redeat. *3tiō*, dicebat idem, sibi sapienter ex jam allatis causis contigisse, quod, quando se optimè putabat esse dispositum ad negotium aliquod pro DEI gloria tractandum, hoc malo subito corruptus nequidem inchoatum potuerit continuare discursum, nec ad aliud, quam ad Thebaicas su-

spirarit solitudines, uno verbo, durante hoc paroxismo ad nihil aptus fuerit.

His similibusque auditis & examinatis postulavi & reposui ego primò, non contendere me, ut, qui atrà bile, melancholicisque abundat humoribus, defectus in circulatione sanguinis, constitutione corporis, & pusillanimitatem innatam patitur, vel diris ac vivacibus inquietatur phantasias, naturam istam in omnino feliçem ac pacatam mutet; utique enim ipse Deus fecit nos, & non ipsi nos.

2dò, Cùm his non obstantibus medicus pro constipatione, circulatione sanguinis emendanda, materia peccante, & horum simul malorum saltem ex parte causâ expurgandâ, prescribat media, ut sunt commotio corporis diurna, purgatio, venæ sectio, aliisque, me quoque jure postulare ab ejusmodi homine, ut terrâ animum involvente nube saltem non permittat instar desperabundi pure naturam, ratione innati temperamenti se moventem, prohibitu agere. Sed ut ad torporem excutiendum saltem se loco moveat, distractionem querat, ulterius tetricis phantasias morosè non inhæreat, & occupationem aliquam arripiendo saltem indirectè contranitatur; si que aliud medium non invenit, è sede exiliendo, aërem liberum captando, mirabile & miserabile caput suum etiam, ut joco dici solet, pugnis impeditat.

3tiò, Dixi me, licet propriâ experientiâ infirmitates hominis admodum melancholici per-

spe-

spectas non habeam, scire tamen ex hominum ejusmodi confessione propria, quod experti sint, non ita arduum esse tertiam quartam vice animum ad serenitatem ac tranquillitatem reducere; si primis vicibus fortiter se vicerint, contrariumque ei, quod melancholicus dictabat genius, fecerint, quam si constanter sine ullo in contrarium nisu, & sub praetextu, quod naturae motus superari non posset, eidem desides succumbere maluerint. Addidi, pariter fateri ejusmodi homines, quod, si primis annis habeant difficultatem ut quatuor v. g. manendi in consortio aliorum, hoc illud opus inchoatum continuandi, dum melancholici se movent humores, succedentibus annis sentiant in eo difficultatem ut sex, cum morbus sive moralis, sive Physicus non adhibitis congruis remediis semper magis magisque invalescat. Atque inde inferebam, patere ergo sat superque, quod, etiamsi admodum difficile, aut quasi impossibile tibi esse videatur, ut aestu melancholico superveniente v. g. maneas in consortio, in quo fuisti, continues opus, quod ad DEI gloriam inchoasti, nisi tamen in contrarium debeas: non ut physicè naturam mutes; sed ut paulatim major tuî ipsius Dominus fias.

4to, Dixi eidem, eum fateri, quod passiones, inclinationes, quæ immediate ad peccatum alliciunt, nunquam non reprimi debeant, & ab homine religioso, æternis veritatibus imbuto etiam facilius suppressantur ob vivacem illum apprehensionem, quod Deus offendit non

debeat. Subintuli, ergo etiam vivax apprehensio, quod vocatus a Deo sis ad vitam socialem, Apostolicum vitae genus, & quod, nisi melancholicis inclinationibus tuis resistas, iisque contrarium facias, paulatim minus & minus, & tandem nullatenus aptus futurus sis ad munia Apostolica obeunda; item vivax apprehensio, quod Deus, a quo supponis te reapse ad Societatem vocatum esse, gratiam suam tibi defuturus non sit, dummodo tu contra naturam pugnando ei coopereris. Demum vivax apprehensio, quod, nisi id facias, gratias tibi ulteriores congruas ille fors subtracturus sit, & tu variis peccatorum periculis exponendus sis; ejusmodi, inquam, vivax apprehensio te facile quoque incitare poterit ad fortiter resistendum melancholicis tuis inclinationibus, sicut reflexiones haec, alium irae, superbiæ, luxuriæ motibus fortiter tentatum incitare debent ad iis fortiter resistendum. Et revera varii generis peccata sunt, ad quæ pusillanimitas & melancholia, cuius motus a re non posse opprimi cavillaris, planissimam sternit viam, ut tot, pro dolori experientiis constat etiam in iis, qui, quia aversiones, tristia ex melancholicis humoribus provenientia superare noluerunt, suam petiere a Societate dimissionem, vel ultrò tanquam inepti & sui capitidis missi sunt.

*suo*, Ut viam magis pararem ad systema, in quod utrumque conveniendum erat, dixi, me ab Hypocondriaco non exigere, ut semper æquè bene dispositus sit; nam *corpus*, quod cor-

rum

rumpitur, constipationibus, crasso sanguine, aliisque malis infestatur, utique aggravat animam; & quis est homo? qui æquè hilaris est, æquè semper aptus, dum mens serena est, & dum atrâ involvitur nube, aut diris torquetur phantasiis. Saltem de ista perfectione aut privilegio peculiari modo non ago. Interim suppono, quod Hypocondriacus, cum quo modò ago, nec sit insessus, nec circumcessus à malo genio, non semi aut plenè stultus; sed libertatem habeat, ut gratiæ divinæ ad se vincendum cooperari possit, cum hoc, utpote bonæ voluntatis, non autem genii omnino pertinacis, conveni & convenio in sistema sequens.

Primo, Gaudeant bene nati, qui nec ex avito sanguine, nec alio ex casu atrâ nimium bile infestantur, sed nihilominus bene considerent, quām severas Deo rationes dare debeant, si tam felicem sortiti indolem otiosi aut desides in vinea Domini excolenda fuerint. 2dō, minūs felicem sortiti indolem, & maximè melancholicis obruti humoribus difficultatem sèpè magnam habent se vincendi, adeoque & Apostolicum in hac naturæ lucta munus obeundi. Interim, quia de vocatione sua sati persuasi sunt, libertatem habent, & Dei gratiam; debent in generosos contra naturam ausus assurge-re, media sive directa, sive indirecta nunquam non ad dissipandas, vel saltem extenuandas terras nubes adhibere, nec cedere sive aversioni, sive inclinationi, quam melancholicus humor

ingerit, sed contraniti mox cum majore, mox  
cum minore difficultate. Certi, quod paulatim  
cum divina gratia magis & magis sui sint futuri  
Domini, eoque majores in æternum reporta-  
turi coronas, quā majori cum lucta eas compa-  
rāunt. A juvenilibus autem annis securis ad  
radicem ponenda est, ut səpiùs dixi, tum, ne  
accrescentibus annis lucta semper fiat gravior,  
tum quia, sicut pulchrior est pulchro veniens  
de corpore virtus, ità ordinariè loquendo ve-  
getior ex vegeto, quām effēcto corpore fortior  
que est operatio & pugna contra naturæ inclina-  
tiones. Hoc, dum juvenis eram, certus tunc  
temporis Superior meus moriens mihi aliisque  
junioribus adstantibus inculcavit, monitūque  
istud altè semper animo inhæsit meo, sicut &  
documentum istud, quod senex ædificationi fu-  
turus sit, qui in ipsa juventa didicit modum po-  
nere lætitiae aut hilaritati honestæ, ità ut ordi-  
nem in domo religiosa præscriptum, quando à  
potu, confabulatione abstinentum, examen  
vespertinum faciendum, cubitum eundum  
est, non prætergrediatur, & pruri-  
tum ad his contraria sup-  
primat.



PARS